

ქალაქ თბილისის მუნიციპალიტეტის საკრებულო

განკარგულება №

—იანვარი 2023 წელი

ქალაქ თბილისში, საბურთალოს რაიონში, ბროლოსანის ქუჩისთვის ექიმის,  
ნეფროლოგის მერი გელოვანის სახელის მინიჭების შესახებ

საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

1. საბურთალოს რაიონში, ბროლოსანის ქუჩას მიენიჭოს ექიმის, ნეფროლოგის მერი გელოვანის სახელი, თანდართული რუკის თანახმად.
2. ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება
3. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64).

საკრებულოს თავმჯდომარე

გიორგი ტყემალაძე







საქართველოს პედიატრ ნეფროლოგთა ასოციაცია  
GEORGIAN PEDIATRIC NEPHROLOGY ASSOCIATION

20.07.2017

ქ. თბილისის საკრებულოს

მოგახსენებთ, რომ საქართველოში ბავშვთა ნეფროლოგიის განვითარება უკავშირდება დიდი მეცნიერის და პედაგოგის, პროფესორ მერი გელოვანის სახელს. მან პირველმა საბაჭოთა კავშირში დაიცვა სადოქტორო დისერტაცია ბავშვთა ნეფროლოგიაში, რითაც საფუძველი ჩაუყარა მედიცინის ამ დარგის განვითარებას საქართველოში. მისი ხელმძღვანელობით აღიზარდა მთელი ჯგუფი ბავშვთა ნეფროლოგებისა, დაცულ იქნა 23 საკანდიდატო და სადოქტორო დისერტაცია, გამოიცა 8 მონოგრაფია. მისი ინტერესის სფერო არ შემოიფარგლებოდა მხოლოდ ნეფროლოგიით, იგი იყო შესანიშნავი პედიატრი და პედაგოგი, წლების მანძილზე ხელმძღვანელობდა სამედიცინო უნივერსიტეტის პედიატრიის კათედრას, სადაც პედიატრთა არა ერთი თაობა აღიზარდა.

ქალბატონ მერის დამსახურება ქვეყნის წინაშე მისი გარდაცვალებით არ დასრულებულა. მის საქმეს მისი მოწაფეები მისადმი დიდი სიყვარულითა და მოწიწების გრძნობით აგრძელებენ.

საქართველოს ბავშვთა ნეფროლოგთა ასოციაცია შემოდის შუამდგომლობით ქ. თბილისის საკრებულოს წინაშე, რათა ბროლოსანის ქუჩას, სადაც ცხოვრობდა პროფესორი მერი გელოვანი, ეწოდოს მისი სახელი.

ასოციაციის წევრები: პროფესორი გ. ჩიტაია

მედიცინის დოქტორები: დ. კვიციანი

თ. აბულაძე

მ. ცანავა

ი. რცხილაძე



ქ. თბილისის საკრებულოს ბროლოსანის ქუჩის მცხოვრებთა

### გ ა ნ ც ხ ა დ ე ბ ა

ჩვენს ქუჩაზე 40 წელზე მეტი ხნის მანძილზე ცხოვრობდა ქალბატონი მერი გელოვანი- ექიმი-პედიატრი, მედიცინის მეცნიერებათა დოქტორი, პროფესორი, მეცნიერების დამსახურებული მოღვაწე, საქართველოს მედიცინის მეცნიერებათა და საბუნებისმეტყველო მეცნიერებათა აკადემიების ნამდვილი წევრი, სამედიცინო უნივერსიტეტის პედიატრიის კათედრის გამგე.

ქ-ნი მერი გელოვანი იყო საქართველოში ბავშვთა ნეფროლოგიის, როგორც სამედიცინო დარგის ფუძემდებელი. მან აღზარდა პედიატრთა თაობები. ის იყო გამორჩეული თვისებებით დაჯილდოვებული პიროვნება, კეთილშობილი, გულისხმიერი. მეზობლებს დღესაც კარგად გვახსოვს მისი ყურადღება ჩვენი შვილების და ოჯახის წევრთა ავადმყოფობის თუ სხვა პრობლემების დროს. ჩვენ გთხოვთ, რომ მისი ხსოვნის უკვდავსაყოფად ჩვენს ქუჩას ეწოდოს ამ გამოჩენილი პიროვნების, მეცნიერის და ღირსეული მოქალაქის სახელი.

პატივისცემით,

ბროლოსანის ქუჩის მცხოვრებნი

მანა ქარსელაძე

ყანა შაიქაძე

მამარ დოჯაია

ს. ყხოყაძე

თაბახი ჯანყვლე

ნინო ასათიანი

ირმა ჭეიშვილი

ზაზა ჭეიშვილი

მ. მ. გუგუნი

მანა

ნ. ასათიანი

ი. ჭეიშვილი

მ. მ. გუგუნი

ქ. თბილისის საკრებულოს ბროლოსანის ქუჩის მცხოვრებთა










## გ ა ნ ც ხ ა დ ე ბ ა

ჩვენს ქუჩაზე 40 წელზე მეტი ხნის მანძილზე ცხოვრობდა ქალბატონი მერი გელოვანი- ექიმი-პედიატრი, მედიცინის მეცნიერებათა დოქტორი, პროფესორი, მეცნიერების დამსახურებული მოღვაწე, საქართველოს მედიცინის მეცნიერებათა და საზუნებისმეტყველო მეცნიერებათა აკადემიების ნამდვილი წევრი, სამედიცინო უნივერსიტეტის პედიატრიის კათედრის გამგე.

ქ-ნი მერი გელოვანი იყო საქართველოში ბავშვთა ნეფროლოგიის, როგორც სამედიცინო დარგის ფუძემდებელი. მან აღზარდა პედიატრთა თაობები. ის იყო გამორჩეული თვისებებით დაჯილდოვებული პიროვნება, კეთილშობილი, გულისხმიერი. მეზობლებს დღესაც კარგად გვახსოვს მისი ყურადღება ჩვენი შვილების და ოჯახის წევრთა ავადმყოფობის თუ სხვა პრობლემების დროს. ჩვენ გთხოვთ, რომ მისი ხსოვნის უკვდავსაყოფად ჩვენს ქუჩას ეწოდოს ამ გამოჩენილი პიროვნების, მეცნიერის და ღირსეული მოქალაქის სახელი.

პატივისცემით,

ბროლოსანის ქუჩის მცხოვრებნი

თინათინ ვეჩიაშვილი - თ.   
ქარვან ჭეცაძე - ქ.   
ლ. შ. ვაფხინდაშვილი - ლ.   
ეკონი ვიხუხუაძე - ე.   
ფუნამ ნაზაძე - ფ.   
ფ. ლომიძე - ფ.   
მამუკა დავაშვილი - მ.   
მერაბ გომიჯანიძე - მ.   
დაჩიუა (ქ. 



ქალაქ თბილისის მუნიციპალიტეტის მერია  
საბურთალოს რაიონის გამგეობა

TBILISI MUNICIPALITY CITY HALL  
SABURTALO DISTRICT GOVERNMENT



წერილის ნომერი: 31-0118068574

თარიღი: 09.03.2018

ადრესატი:

ქალაქ თბილისის მუნიციპალიტეტის საკრებულო  
მისამართი: თავისუფლების მოედანი N2

სახელდებისა და სიმბოლიკის კომისიის  
თავმჯდომარეს ქ-ნ, თინათინ ნიბლოშვილს

ქალბატონო თინათინ,

თქვენი მოთხოვნის N03-031806166; 02.03.2018წ. შესაბამისად გაცნობებთ, რომ საბურთალოს რაიონის გამგეობის-კოსტავა-ბახტრიონი-დოლიძე-ხილიანის საუბნო განყოფილებამ გამოკითხა ბროლოსანის ქუჩის მოსახლეობა და დაადგინა, რომ მაცხოვრებლების უმრავლესობა თანახმაა ბროლოსანის ქუჩას გადაერქვას სახელი და დაერქვას პროფესორ მერი გელოვანის სახელი.

პატივისცემით,

საბურთალოს რაიონის გამგეობა - გამგებელი

გაიონ ვასაძე



# ქალაქ თბილისის მუნიციპალიტეტის საკრებულო



ნერილის ნომერი: 03-031806166  
თარიღი: 02/03/2018

**ადრესატი:** ქალაქ თბილისის მუნიციპალიტეტის მერიის საბურთალოს რაიონის გამგეობა  
**მისამართი:** საბურთალო - ქალაქი თბილისი, მიცკევიჩის ქ. #29

ბატონო გაიომ,

ქ. თბილისის მუნიციპალიტეტის საკრებულოს სახელდებისა და სიმბოლიკის კომისიაში 2017 წლის 20 ივლისს მატერიალური სახით შემოვიდა, საქართველოს პედიატრ ნეფროლოგთა ასოციაციის N07/8336 განცხადება. რომლითაც მოთხოვნილია ბროლოსანის ქურას დაერქვას ნეფროლოგის მერი გელოვანის სახელი, განცხადებას თან ერთვის ბროლოსანის ქურის მაცხოვრებელთა ხელმოწერები.

მოგმართავთ თხოვნით, დაავალოთ თვენ დაქვემდებარებაში მყოფ საუბნო სამსახურს, მოახდინონ მოსახლეობის გამოკითხვა ქურის სახელის გადარქმევასთან დაკავშირებით, რათა მოსახლეობის პოზიციები გაზიარებული იქნას გადამწყვეტილების მიღების პროცესში. საჭიროების შემთხვევაში კომისია მზად არის ჩაერთოს მოსახლეობასთან შეხვედრის და გამოკითხვის პროცესში.

ქალაქ თბილისის მუნიციპალიტეტის საკრებულო-სახელდებისა და სიმბოლიკის კომისია-კომისიის თავმჯდომარე

თ. ნიბლოშვილი

თინათინ  
ნიბლოშვილი

მერი გელოვანი

(1924- 2008)

ექიმი, აკადემიკოსი, მედიცინის მეცნიერებათა დოქტორი, პროფესორი, საქართველოს მეცნიერებათა დამსახურებული მოღვაწე, ღირსების ორდენის კავალერი

დაიბადა თბილისში. დაამთავრა თბილისის სახელმწიფო სამედიცინო ინსტიტუტის სამკურნალო ფაკულტეტი 1946 წელს.

1949–1952 წლებში იყო თბილისის სახელმწიფო სამედიცინო ინსტიტუტის ჰოსპიტალური პედიატრიის კათედრის ასპირანტი; 1953–1958 წლებში ამავე კათედრის ასისტენტი; 1968–1961 წლებში ბავშვთა სნეულებათა პროპედევტიკის კათედრის ასისტენტი; 1962 წლიდან იყო საფაკულტეტო პედიატრიის კათედრის ასისტენტი, დოცენტი; 1968 წლიდან კათედრის პროფესორი; 1973–1994წწ. კათედრის გამგე, 1994 წლიდან კათედრის პროფესორია. ავტორია 138 სამეცნიერო ნაშრომისა, გამოქვეყნებული აქვს 4 მონოგრაფია, მისი ხელმძღვანელობით დაცულია 21 საკანდიდატო და ერთი სადოქტორო დისერტაცია. მის სახელს უკავშირდება საქართველოში პედიატრიული ნევროლოგიის დაარსება და განვითარება. ექიმი–პედიატრი, მედიცინის მეცნიერებათა დოქტორი, პროფესორი.

საკანდიდატო დისერტაციის თემა - "მასალები კუჭის სეკრეტორული ფუნქციის შესწავლისათვის ადრეული ასაკის ბავშვებში", დაიცვა 1953 წელს.

სადოქტორო დისერტაციის თემა იყო "მწვავე და ქრონიკული გლომერულონეფრიტის კლინიკისა და პრედნიზოლონით მკურნალობის საკითხისათვის ბავშვებში", რომელიც დაიცვა 1965 წელს.

1995 წლიდან იყო საქართველოს მედიკო–ბიოლოგიური აკადემიის აკადემიკოსი. 1987 წელს მიენიჭა საქართველოს მეცნიერებათა დამსახურებული მოღვაწის წოდება. 2000 წელს დაჯილდოვდა ღირსების ორდენით.